

## Di Svizzer da Prelecziun

Las scolaras e'ls scolars dal s-chalin ot da la scoula da Sent insembe cun lur persunas d'instrucziun da lingua Maja Bischoff e Claudio Melcher as partecipeschan als 27 da mai 2020 al di svizzer da prelecziun.

Las scolaras e'ls scolars prelegian las seguaintas istorgias e poesias rumantschas e tudais-chas:

- „Ein Tisch ist ein Tisch“ da Peter Bichsel
- „John Maynard“ da Theodor Fontane
- „Drei Fragen“ da Leo N. Tolstoi
- „Erlkönig“ da Johann Wolfgang von Goethe
- „Il larschin“ da Cla Biert
- „Ils asens da Sent“ da Gudench Barblan
- „La prüma jada cul töf“ da Cla Biert
- „La schocca“ da Cla Biert
- „Eu e tü“ da Men Rauch
- „Tamangur“ da Peder Lansel

Las prelecziuns vegnan emessas online via TEAMS pellas abitantas, pels abitants, pellas collavuraturas e pels collavuratus da la Chasa Puntota a Scuol in marcurdi, ils 27 da mai 2020.

Initià es gnü il «Di Svizzer da Prelecziun» dal «Institut per medias d'uffants e da giuvenils SIKJM» in cooperaziun cun «20 Minuten» ed otras organisaziuns.

Preleger es la plü simpla ed efficiainta promozion da leger. Quista promozion fa dabsögn. Il stüdi da PISA chi'd es gnü publichà be d'incuort, muossa cha mincha quart giuvenil svizzer finischa seis temp da scoula cun üna cumpetenza da leger insufficiainta. Cun preleger as poja megladrar quella situaziun. Uffants, als quals i vain prelet minchadi, han ün meglider s-chazi da pleds ed imprendan plü facil a leger e scriver. Els sviluppan üna colliaziun positiva cul leger e legian plü tard plütöst cudeschs, gazettas ed E-books. Finalmaing han ils uffants e giuvenils eir üna meglida schanza sün lur via da scolaziun e professiun.

Dürant il «Di Svizzer da Prelecziun» han lö in tuot la Svizra numerusas activitats da leger - privatas e publicas. Quellas demuossan quant important cha leger e preleger es. Tuot quels chi han dimena uossa surgni gust da leger e preleger pon quai natüralmaing gugent far – quel di, ma eir uschigliö adüna.

Ulteriuras infuormaziuns davart il di e davart quist'iniziativa as chatta suot:  
[www.schweizervorlesetag.ch](http://www.schweizervorlesetag.ch).

Bun divertimaint!

Eine Initiative des



In Kooperation mit

